


柳田文庫
文庫11
D 124
3





莊靖先生遺集卷之三

五言絕句

一字百題示商君祥

余年三十有九遭甲戌之變乙亥秋七
 月南邁時姪謙甫主河南福昌簿迎至
 西山僑居廳事之東齋小學師商君祥
 投詩索和頃刻間往回數十紙謙甫曰
 一鼓作氣未可敵姑堅壘以待姪婿郭
 鴻漸曰可以單師挫其銳乃出百字題
 請賦以酬之遂信筆而書殊無意義付

六十一

文庫11
 D124
 3



010190553014

其徒孫男樂山示之三日不報謙甫笑
曰五言長城不復敢攻也君祥於是攜
酒來乞盟大會所友極歡而罷

風

汝未聞天籟簸揚箕有神能清常侍暑不動庾公塵

月

過圓旁死魄過缺哉生明尙賴玉斧手再修然後成

雲

早魃將爲虐從龍便出山人間三尺雨命駕早知還

雨

晚有來蘇意憂深望歲人一犁雖美滿猶恨不當春

雪

細看花是雨將見麥宜秋度臘無三白梁園誰與游

山

功名雙鬢雪心事數重山山下人家好終朝爽氣閒

泉

滾滾勢長往泠泠味自清擬將修水記何況有詩情

塵

不憂懸榻室可柰汗人風踏破青鞋底猶疑是軟紅

春

來莫怨春遲去莫怨春忙春不隨人老誰教汝斷腸

暑

人間三伏暑海內一薰風獨詠微涼句公權似不公

寒

廣厦千萬間吾廬弊獨寒猶將折絃琴欲和薰風彈

晝

冬之日何速夏之日何遲山中無歷日遲速兩不知

夜

令乎日之夕政乎日之朝一尊待君子風雨會良宵

晴

展盡舒長景銷殘片段雲區區負暄子炙背不忌君

陰

朝見白雲縱暮見白雲橫不作及時雨何為點太清

花

惜花不論命看花須努力能得幾時好在風如春國

蓮

碧因圓更展紅向老猶妝鏡裏風流在人言似六郎

菊

色笑秋光淡香嫌酒力慳東籬在何處客裏見南山

梅

未報江南信先開雪裏村要看花上月立馬待黃昏

松

鬱鬱愁無地青青獨有心疑從大夫後傾蓋到如今

竹

瀟灑能醫俗檀欒看上番我寧負此腹忍使籜龍窺

草

日沒露易溼日出露易晞人生大都幾王孫胡不歸

燕

社後來何暮梁間話頗多巢泥愁未穩無面見淘河

鴈

俄見天邊字徒銷客裏魂一書言不盡爲我敘寒溫

鷗

江靜煙籠雪天晴水浴衣漁歌驚不起物外兩忘機

鶴

去家丁令威化身徐佐卿不戀乘軒寵九臯堪一鳴

蜂

弄晴沾落絮帶雨護園花有課常輸蜜無春不到衙

蝶

元從生處樂肯向死前休花底人閒世如何不夢周

龜

汝殼將自遮汝腸還自剝可憐一底板雖智不如愚

魚

華亭載月舡長安遮日手一網腥城市吾於爾何有

蠃

食必視本草貴在精物理蔡侯何鹵莽幾為勤學死

儒

秦坑秦卽孤魯戲魯尋削伊誰蹈前軌可謂束高閣

僧

貌與松俱瘦心將絮共沾一菴空寂地香火讀楞嚴

道

自知身是患常謂道無名欲作閑中友隨緣論養生

仙

千載遼東鶴雙飛葉縣鳧應憐塵世裏無地着臞儒

禪

見桃渾不悟對柏未嘗參虎嘯龍吟子風雷振一龕

醫

愈風陳有檄止瘡杜能詩雖然醫者意何意亦何醫

卜

棄置復棄置其然豈其然百錢聊為我更看小行年

漁

一聲歌歎乃萬頃國煙波鰲蟹中間醉蓑衣拜浪婆

樵

雲外山將遍人間日易斜不知棊換世柯爛未還家

客

渺渺亾羊路悠悠化鶴身人間同逆旅誰主復誰賓

農

賣劔田園計溫家種樹書新年無罪歲事事有乘除

牧

蓑底因緣曲腰閒敲棘鞭月明歸去晚想見葛洪川

射

手撚金僕姑身出矍相圃不穿百步楊志在猖狂虜

獵

終日無獲禽古人獵在德非德為禽荒獵食吾不食

詩

裁作牛腰束愁於飯顆山近覺故步窘十債九不還

書

入室五千卷插架三萬軸何似曬書人坦此便便腹

筆

不見中書君不聞老成人為君作佳傳繼者皆尖新

墨

松閒老潘谷何處得玄圭速置薔薇露詩仙醉欲題

紙

慇懃翰林主揮掃驚風雨滴滴是玄珠點破先生楮

硯

端溪温潤石價重百車渠一滴玄潭水蠅頭萬卷書

畫

有意皆堪譜無言總是詩潭潭居相府此譽不妨馳

琴

陰壑鳴松籟空巖響石泉此聲並此意誰得寄徽絃

棋

縱橫連井地明暗列星圖兩角觸蠻戰一家瓜葛無

劍

帶牛移漢俗匣刃出鄠城安得治復古器農不器兵

香

小炷博山鼎半殘心字灰游蜂何處客應爲百花來

茶

人多愁水厄若箇有詩情靈草還知我平生事不平

師

絳帳風流遠青襟禮貌驕定須防射羿何必問嘲韶

學

邑化絃歌地鄰漸俎豆風二三言志子六七詠歸童

仕

雖有乘桴意能忘出畫情一官百僚底是亦道之行

富

狼籍胡椒斛破散堆錢屋不見貪者愚求榮是求辱

貴

鴟得腐鼠嚇犬笑殺兔死唾手功名場不知憂患始

貧

書生祿有籍造物費亦省顏回一簞食不得盡晚景

隱

孔負二宜去積知七不堪青山休老地佳處是終南

智

樂在知幾早憂因見道遲遙憐鮑莊子人笑不如葵

愚

膏以明自煎薰以香自薪善哉柳侯意一字辱溪神

壽

灰如戀闕心雪似窮經首問年今幾何看飲屠酥酒

老

尊年鄉飲禮擊壤太平歌甲子君休問光陰得最多

名

求為天下士所望不亦厚得少失有餘何況在身後

友

偶因勢貴賤乃見朋得器歲寒山陰雪獨有戴可訪

身

黃卷平生志青山見在緣百年今已半只合闕樽前

影

相對鏡中真相隨月下人我今未忘我身外還見身

行

水笑杯猶渡山驚錫尚飛垂垂瓶鉢老何處未來歸

住

俗尚家靈運誰堪社遠公空山雲不出愁殺渡溪風

坐

一軒容膝安半世行腳債龐家老居士舉似無生話

臥

一室散天花一榻颺茶煙家風嗣阿誰殘月曉風禪

笑

和氣須懽伯開顏只孔方世情如苦海件件可闕堂

吟

冥搜腸亦苦隻字得之難作者有六義惜哉坐一寒

醉

愛此真珠滴能於大道通與君同舉白憐我獨潮紅

醒

暫出陶陶境那禁種種愁舉觴邀明月卻帶醉鄉侯

飲

竹葉杯中醪金釵坐上春淺斟低唱境猶道是麗人

舞

野鶴聞琴態孤鸞對鏡妍為君小垂手無地可回旋

睡

客隨陶令遣齋甚太常嚴儻或非黃嬾那知此黑甜

夢

物外日月忙人間憂患長休談夢中夢萬古一黃梁

歌

大音聲自希賞音人亦寡寧可逆汝耳不可廢作者

嘯

成瑨風生坐孫登月滿臺東皋今寂寞元亮早歸來

傲

王公輕以道富貴驕以志我見高尚人蓋有高尚事

閑

太傅懸車里仙家避世壺老妻為紙局坐隱是功夫

懶

交有書堪絕師何記可嘲不僧亦不俗似癡還似高

話

萬事就庾談一心對芝宇不思炊作麩但見風生塵

浴

子春恐事敗佟之坐水淫二者過不及何如我洗心

歸

世路雖多梗吾生豈繫匏西風倦飛翼樂在一枝巢

更盡一杯酒出門行路難送君過南浦忍淚凭欄干

愁

解使回腸斷能催兩鬢秋天涯未歸客容易上眉頭

忍

氣留臍可煖唾使面自乾無怨亦無惡此腹如此寬

蠶

蠶月始條桑息息婦姑忙天寒授衣節婦姑無完裳

織

泛槎驚誤客折齒笑狂鄰不作回文字愁嫌愁殺人

春

斷木纔脫粟涇薪空爆竹朝餐動及午柰此雷鳴腹

炊

旅食寄天涯愁如桂玉何莫忘生處樂聽取屢屢歌

砧

對影無情石關心寄遠衣天涯鎮長客鴈後不懷歸

琴

此以下四首和籌堂

山水有清音琅然出枯木若教俗耳聽絲竹不如肉

棊

森森戈戟心盡在皮裏著傍有爛柯人點破都是錯

書

一坑科斗灰難破祖龍惑三兩挾策人今誰席肯側

畫

手與心相應妙處在咫尺筆尖多少鋒揮掃天地窄

東郊行

四海尚干戈幾人知稼穡青青原上麥忍放征馬食

書壁

世事紛紛變人生種種愁行年三十九得歲又平頭

避亂

雪巖依日煖霜樹弄風悲山似王維畫人如杜甫詩

資聖寺壁

是誰將壁疥盡可著紗籠今代無詩史何時入國風

別陳之綱李得之南子榮

時在宋

已兆池魚禍尚多風鷁過寄與遠游人莫待贖行貨

戲高廣之

一飲遇伶婦一飯值丘嫂徒教乞米僧時時送盧老

雨後

新秋積雨霽涼風吹我衣歲月不知老乾坤何處歸

九日答朱壽之

興客登高處節物傷遲暮不見白衣來三復秋風句

竹林

初見錦綉脫氣已傲霜雪天寒十萬夫未聞一死節

栢徑

歲晚節自抱足見有心哉游人從何處帶得春風來

槐亭

蟻穴功名重或作封侯夢主人心已閑不為黃花動

稻塍

一水自縱橫厥田無上下居民不佩犢歲事在秧馬

儒

世治其術重世亂其術輕太平然後用用然後太平

蝶

轉首一場夢驚心三月春揚揚枝上蝶不見惜花人

熊白

所居無禹廟有官升典籤掌亦我所欲二者不可兼

十六日夜戲書

貪作梅花夢都忘柳絮禪可憐人與月不似夜來圓
作臧祚切

六言絕句

雪菴題錢過庭梅花圖

已把傳神畫譜又看格在詩評月落難尋清夢雲空
乃見高情

示姪輩

諸阮以富相誇一疏恐財為病濟叔不羨金埒勸兄
曾有撾命

淵明歸去來圖

先生從來寄傲肯向小兒鞠躬笑指田園歸去門前
五柳春風

中秋

三百六旬歲周一十二度月圓試問姮娥甲子和閨
到今幾年

郎文炳心遠齋

竊笑濫巾北岳那能補衲中條自有胸中丘壑不妨
穩向市朝

伯德仲植張長史帖

莫就嚴陵買菜無勞逸少換鵝但得雲煙一紙那在
鄴侯書多

戲沂公巨川

八仙詩裏蘇晉三笑圖中遠公選甚逃禪破戒我師
自有家風

戲武夫韓公

論功終是獵犬見事不如擒虎我願一識荊州人道
莫逢玉汝

結柳未送窮車弊衣先入歌院雖得蕭何指蹤難與

老子同傳

老杜醉歸圖

尋常行處酒債每日江頭醉歸薄暮斜風細雨長安
一片花飛

百錢街頭酒價蹇驢醉裏風光莫傍鄭公門去恐猶
恨在登牀

史遂良酒債

都因焚券家貧親與當爐人賣問得街頭酒價索取
江頭酒債

酒誥一篇既出離騷亦可不作愧我家無阿堵笑他

人飲狂藥

滌器不辭親酌過門無柰客惡未嘗解下金龜必能
畫得黃鶴

從來歡伯氣和何故督郵味惡陶令無錢但賒潘子
著水不錯

竇子温江山圖

醉裏扁舟煙浪望中幾屐雲山長天秋水一色明月
清風兩閒

猫犬圖

狡兔空有三穴首鼠漫持兩端我輩天生健武從渠
股慄心寒

北窗高卧圖

問字不得兀兀借書不得陶陶誰遣人來送酒枕邊
正讀離騷

雪谷早行圖

積素茫茫縞夜流光耿耿揚輝行人抵死貪路何處
家山未歸

史正之卷子買得

陸郎初見懷橘阿買頗解識字或恐西河卷明忙爲
東野收淚

靈照女

留下一重公案有女誰似雁家不試提藍手段若爲
點破丹霞

錦堂四景圖

春水滿四澤

水林森舒如羅帶鱗鱗似縠紋誰道卧龍不起須臾
變化風雲

開字不替下夏雲多奇峰

幸得從龍變態尙何出岫無心正苦人間畏日不思
天上爲霖

秋月揚明輝

清光一片如洗西去姮娥耐秋可惜廣寒人老誰將
玉斧再修

冬嶺秀孤松

山前傾蓋獨奇雪裏盤根歲深千年老鶴相伴誰似
蒼髯有心

莊靖先生遺集卷之三終

莊靖先生遺集卷之四

七言絕句

謁秦吳二王廟

三月十八日與馬子溫郭謙甫楊茂之
叔姪劉濟之君祥仲寬姚子昂邢文炳
同行

頽垣墜殿夕陽中血食雖同事不同揖讓干戈兩陳
迹醉觴拋與落花風

杖藜行處記曾過草草杯盤野興多舉目山川縱如
舊一場夢抵幾南柯

卜居

東鄰西舍兩三家
簌簌牆頭落棗花
慙愧畫梁雙燕子
笑人今日又天涯

中秋夜夢

中秋前一夕
夢入僧寺往來人物有送
別意須臾有一麗人於橐中出一春衫
再四整疊欲相贈閒而雨作趨避漏室
中其人行歌而至雨立聽之歌未終而
覺故為紀之

征衣不用贈春羅
試聽尊前一曲歌
為問從來雲雨事
如何偏向夢中多

讀項羽傳

鴻溝時暫割山河
楚國山河一半多
欲去故鄉誇富貴
不知沛有大風歌

糟筍

囊中有地可藏真
子子孫孫麴蘖醺
誰是聖之清者
後此君應負此君君
伯夷孤竹君之子

新樣團茶

春風傾倒在靈芽
纔到江南百草花
未試人間小團
月異香先入玉川家

三百四十二
重午偶題
只爲離騷話獨清至今猶恨楚君臣
魂招不得歸何處
閑氣都留與艾人

子猷訪戴圖

雪後山陰本乘興似非特爲故人來
縱能一見戴安道
舡未回時心已回

和籌堂途中卽事

晚風吹雨過山堂
燈火秋涼好對牀
卻被荒鷄笑人懶
一聲催起著鞭忙

悠悠旌旆出山城
世事驚心幾變更
水郭煙村誰是伴
老夫矍鑠尙堪行

斗酒中間詩百篇
錦囊新句落誰邊
無窮山水吟難盡
說似畫師僧巨然

指楊舅彥明

船子和月圖

千尺絲綸在手中
月明歸去滿船空
寒江豈是魚難釣
釣得還將不釣同

和河樓閑望

孟州

去去來來不繫舟
至今師渡幾時休
洗兵豈是天無雨
盡逐黃河入海流
一夜長空落將星
不知誰抱越人冰
中原可惜衣冠

地自古以來多廢興

用籌堂韻

清尊莫惜再三開別後何曾得好懷為向綠衣花使
道杖藜不是等閑來

答滿法師

此身分付水雲閒不見高人得句難待學江西立公
案便宜築箇小詩壇

和泰禪

淡泊生涯分自甘十年霜葉碎青衫忽從問道山前
過牧馬之兒是指南

橙數珠

水月禪師有橙數珠竹如意恨不見作
者之句鑿空道其髣髴

典刑釀出洞庭霜只取青圓不待黃凡俗盡從千佛
轉忘言老宿但拈香

從頭細轉梵王經一串秋香得洞庭為報重甦當自
惜莫教落入念珠廳 重甦即水月也

竹如意

曾為彈琴指甲傷有時曝背竹書光不須爬癢倩仙
爪忍待一朝春筍長

卽時參得指頭禪說似家風玉版傳一日佛堂光自
放我師歇在古靈前

雪菴二梅圖

老對風光百不堪畫圖彷彿見江南爲君試草花閒
賦未必心腸似雪菴

贈碧落和講主

蕭蕭古寺掩松關雨後無人草木閑埽地家風誰與
似我師特特爲開山

跋寶子濕江山圖

森森澄江欲拍天參差煙樹老江邊舉頭不見長安

日一棹秋風載酒船

過雲臺

夜半風吹霽色開曉乘殘月過雲臺連山斷處瞰平
野一線黃流掌上來

濟源龍潭

塵世悠悠不識真一潭春碧養潛鱗可憐無故驚雷
起誤卻山前失筍人

裴公亭

青山如畫水如藍自笑平生性僻耽尊酒留連妨逸
興不能一到侍中庵

與奉仙觀道士元明道

野鶴飄飄性自高徘徊塵世豈難拋棲真舊隱無多地何處仙山不可巢

富公草堂

青山重疊水縈回山水中間幾往來風物不殊人世改中州何處是崑臺

謝楊成之

與客西從濟上回明朝扶杖到雲臺一尊相送休頻勸留作山行軟腳杯

雨後

春空靄靄暮雲低飛過山前雨一犁明日卻尋歸去路馬蹏猶踏落花泥

阻風

春風作惡幾時休况值春光欲盡頭誰謂閑人無箇事一年長是爲花愁

答籌堂見招

須信人間定別離相看能得幾多時浮雲一片無根蒂去去來來自不知
日日相陪鶴髮翁烏紗白葛道家風火雲堆向山南去暑氣蒸人似甑中



俯仰隨人亦自欺精神無復似當時年來世事俱嘗
遍只有閑中味不知

冠世聲名蓋世功尋常杯酒坐生風區區問舍求田
客盡在元龍一笑中

日日言歸未得歸白頭纔是入山時依前卻趁逍遙
出慙愧山靈我不知

誰謂長河不可通只消送客一帆風故人別後情偏
重猶恐相逢是夢中

史遂良壽日

任他白髮不相饒兩頰春紅醉裏潮今日鳳凰臺上

月未知誰可共吹簫

和王季文襄陽變後

將軍橫槊面潮紅一舉淮南掃地空堪笑楚人無伎
倆至今猶說馬牛風

張翔卿出家

絳帕蒙頭讀道書孫郎見後肯容無休將僥倖乖名
教天上臞仙卽是儒

鰲背元夜

山市家家秉燭游風簷齊挂月燈毬不須更用閑妝
點人在鰲峰最上頭

許司諫醉吟圖

席地風光引興來不辭白髮被春催眼前有句貪拈
掇閑卻梨花樹下杯

明皇擊梧圖

不使梨園弟子知太平音在鳳凰枝一朝野鹿銜花
去長恨秋風落葉時

秋江斷鴈圖

不堪愁裏見秋光江北江南木葉黃誰信朔風猶跋
扈天涯吹斷弟兄行

游石堂山

與史正之王廷秀姚子昂郭顯道李廣

之同行

雨後青山畫不如算心人去有誰居紫雲空鎖神清
洞不見丹崖四字書那和璞算心處歐陽文忠公神清之洞

句龍廟

溪行十里氣如蒸危檻憑虛不厭登咫尺仙山在塵
世杖藜來往幾人曾

陽關圖

一杯送別古陽關關外千重萬疊山試問青青渭城
柳不知眼見幾人還

煙江疊嶂圖

揮毫落紙生雲煙江北江南水墨天
愛畫主人胸次別臥游不用買山錢

千里江山圖

曾把雲山爛漫酬杖藜隨處賈胡留
如今腳力那千里水墨中間只卧浮
筆下江山取意成一峯未盡一峰生
憑誰試向行人問水郭煙村第幾程

荅祁定之

歸袖迎風拂面埃青山望處白雲埋
如何千載離家

鶴學得仙時不便來

戲贈

布袍襤褸化風埃是處青山骨可埋
二三笑家風時了我師容易去還來

雪中寄

秋空一洗絕纖埃著腳街頭雪半埋
試問希真門下客衣蓑曾有葛三來

不寐

露下中庭鶴睡驚娟娟缺月照窗明
夜深讀罷牀頭易紙帳梅花夢不成

西山問羊

淡泊不禁頻
晶飯尋常無
以致羶根
西山繭耳多於
石肯與書生
踏菜園

暮秋有感

亂鴉無數噪
寒林林下風
吹落葉深
惟有黃花枝上
露向人猶似
泣殘金

卽事

將軍下馬氣
如虹書生折
腰曲如弓
好山無限歸
未得白雲慙
愧渡溪風

卽事

秋色南山氣
勢高坐閒牛
酒話龕豪
自憐萍梗天
涯客俯仰隨
人似桔槔

陸渾佛髻山

十步都無一
步平往來人
似畫圖行
可憐一派溫
泉水不與荒
山洗惡名

湯下寺壁

滾滾龍泉自
吐吞誰能箇
裏混光塵
再三遶壁尋
題句饒舌山
禽不避人

跋背面彌勒

萬水千山特
特來謾勞皮
袋走塵埃
橫擔杖杖明
州

去世上誰能喚得回

題斷碑

節角催殘卧夕陽豈無神物護文章一從薦福雷轟
後片石猶爭日月光

游青蓮值巨川彥廣二上人出

寂寂荒庭落葉堆與誰重上遠公臺青山不解留人
住立盡秋風曦未來

戲曹漢臣

一見高僧話亦高醉中往往愛禪逃爾曹自謂曹溪
後不怕曹溪笑爾曹

移得花將碧落栽一枝開後百枝開今生也有狂靈
運待入東林社裏來

碧落院松

霜幹亭亭聳碧空幾年春雨養髯龍也能說得菩提
法何處人間有萬松

雪後送寶泉之碧落

洒面輕風不覺寒天花散落滿人間慙慙行腳休辭
遠出得城門是雪山

陶學士烹茶圖

天寒對酪奴竹閒雪鼎與風爐書生事業真堪

謂粗人此景無

修武騫林觀

道經天上有玉京山騫林觀

帶雨阻登臨往事看碑或可尋不是青牛洞中

人問何處有騫林

射虎

逐鹿中原鹿已無功名那在一於菟分明射中南山
虎李廣元來不丈夫

答籌堂

寄詩有青燈佳話正當時之句見其戀

戀之至也用來韻答

休嫌堂上聚星遲

懷宮有聚星堂

邂逅人生似有時鷄黍恐

忘今後約預先報與巨卿知

秋涼急急授衣遲便是霜林葉落時夜聽寒砧動離

思恨無針線小蠻知

參謀王君玉魏文侯冒雨出獵圖

冒雨入山林畢竟馳驅獲幾禽自是魏侯言不
負當時只合獻虞箴

抱樹石

火餘介子身猶在槁立鮑焦心愈堅欲向前村問遺

三百五十一
東坡集卷四
叟石荒樹老不知年

和王成之梅韻

踏雪尋芳路帶沙南枝初放兩三花高樓寄語休吹
笛留取春風與大家
朝來一雪霽晴沙行到前村始見花驛使便將春色
去暗香今夜落誰家

狂風

春光著物酒如濃白白紅紅眼界中又是一場蝴蝶
夢能禁幾度落花風

游錦堂後園

與濟之君祥仲寬子昂共

妝點園林次第新野花無數不知名卽時喚起閑中
興慙愧陶家趣未成

袁景先東歸卷馬

汗血奔馳死卽休東郊骨骼有誰收舉鞭遙指前山
路野草閑花滿地愁
長鞦短轡慣騎驢今日徒行爲的顛得失從來等閑
事未知愁得塞翁無

玉李花

盤根春後幾枝分似比樹頭花更新落月試將顏色

照便如傳得謫仙神

半丈紅

豔冷香清是就中等閑不肯媚春風東君也恨無顏
色染出枝頭點點紅

溪竹

崎嶇一徑逐溪斜泛泛溪流帶落花爲問風前雙燕
子銜泥飛去入誰家

吳神

山頭多少往來人香火爭將瓦鼎焚簫鼓下山人漸
遠晚風吹起一溪雲

過古寨

繫馬垂楊日半斜荒村籬落兩三家可憐華屋生存
處瓦礫堆中幾樹花

大陽與諸友話舊

尋芳來入杏花村見客人人有典刑不用看碑問前
事坐中一話卽圖經

聽樂 時錦堂小疾

聞韶還似在齊時三月猶然味不知若要得他安樂
法請君聽取四休詩

邵氏院看花

花枝不耐寒就中姚魏欲開難賞心未愜空歸
去更待明朝爛漫看

長平懷古

趙括雖能讀父書長平一舉見規模縱橫戰國俱陳
迹只有青山似畫圖

枯松

為嫌紅紫汙家風故向春來學種松祇恐等閑兒女
輩輒將斤斧損髯龍

勸行

衣錦山前往復來莫教酒興盡時回前村見說無深
巷留向谿堂把一杯

留別

耳畔頻頻杜宇聲馬頭山色翠相迎一杯不盡留連
意送客風來便好行

送母受益之洛陽

有心待種洛陽田早趁西風送客船借問梅花堂上
月不知別後幾回圓

寄大師孫仲遠講道經

鶴骨仙人別後臞無由得近嘯臺居我師不了孫家
事絳帕蒙頭說道書

下太行

山中日日伴雲閑不見閑雲只見山君去試從山下
望青山卻在白雲間

德老瑞竹

主人本望鳳來棲遂把孤根特地移不念平安猶未
報誰教節外強生枝
籜龍日日斧斤聞可惜孤根托處難待得上番成竹
後一枝還作兩枝看

山前偶得

白頭來往話難親琴酒重尋別後雲縱使山英不相

棄柰無面目見移文

爲徒單雲甫作

萬里相將鶴髮親倉惶未拂綵衣塵眼中滴盡孤寒
淚誰是同門請粟人
男兒糊口在四方聚蚊成雷不可當孝哉穎叔豈無
恥恐君之羹猶未嘗

過碧落寺

流水溪邊一徑通參差殿閣倚晴空東林少箇開山
祖何處人間有遠公
古寺荒涼不記年庭松相對欲參天入門不見溪堂

主祗恐蒼髯是老禪

趙

欲憑從約抗強秦完璧那能係重輕兩虎共圖全國
計豈無一術救長平

紛紛列國事縱橫誰似邯鄲得地形會罷澠池方氣
勝不思嫁禍有馮亭

觀射柳

羽箭星飛霹靂聲追風馬上一枝橫平生百中將軍
手不意今朝見柳營

戒酒

誰肯收心醉六經只言酒是在天星若能讀得離騷
後學取先生半日醒

游青蓮分韻得春字

已亥暮春十有八日劉巨川濟之瀛漢
臣王特升用亨郭甫仲山姚昇子昂史
顯忠遂良同游福嚴禪院與巨川彥廣
二山主道舊兵革之餘不勝感嘆仍以
春山多勝事爲韻賦詩以紀其來

四面山圍故故青茶煙榻畔坐忘身與師貪論安心
法門外飛花送卻春

慈氏閣

金碧相輝跨杳冥憑高佇日記吾曾勸君試倚欄干
望愧我今無腳力登

出山

興盡東山命駕忙斷雲似與雨商量出門卷地顛風
起送客何須爾許狂
東林景物畫中詩老恨因循著腳遲背了青山卻歸
去頭灰面土任風吹

水簾

倒傾蛟室瀉瓊瑰派落空巖雪浪堆卷地封姨收不

起素娥垂下玉鈎來

柳

一年春色到溪頭展盡眉間幾點愁纔得東君暫時
意笑他張緒不風流
千絲萬縷弄風柔爲愛春陰盡日留杖屨重來有佳
處道人鑿石沼清流

臨清臺

與諸友憩於臺上須臾四面雲合垂垂
欲雨

忽驚平地一聲雷爍爍驕陽氣欲回安得靄靄片時

雨臨清臺是望雲臺

登山興盡早宜歸况是東風送客時只有臨清臺下水怪人來此不留詩

懷舊

杖藜重到古招提硤石雲深一徑迷不見同來舊時伴怕看雙翠壁閒題

新安

芳草原頭一望空村南村北落花風可憐當日堆錢屋寂寂無人晚照中

過二聖王氏故居感戰死者

數仞牆圍石作基幾年風雨長苔衣英雄地迫難爲計血汗遊魂不得歸

東山道中

採遍山城草木芽百年老樹盡枯槎眼前多少閑田地雨後春耕有幾家

擲筆臺

空山老卻涅槃師擲筆臺前旦過稀雉子豈知身後事至今猶傍法堂飛

太平泉

試從澗底覓根源剔蘚剝苔得舊泉人事盡隨流水

去幾時復見太平年
水邊堪賦濯纓歌
來往遊人分外多
為問太平何處是
等閑不識起風波

子榮過家上冢

班超萬里歸無期
張翰雖歸如不歸
君看畫錦堂中相
十五年前一布衣
名遂功成不肯閑
故鄉曾見幾人還
百年扶杖華嶼老
爭看錢家錦繡山

十七日送行

惓惓又別故園春
花落猶隨馬後塵
相對離筵莫惆

悵送行人是欲行人

勉和籌堂來韻

往古來今秋復春
羸顛劉蹶總成塵
蝸牛角上爭閑氣
笑倒南華夢蝶人
氣似陽和處處春
但隨流俗混光塵
須知舌在為身累
非是是非何等人
四海男兒得志時
歸來一段話新奇
野人不管興亡事
飲恨閑看老杜詩
漢祖龍興自有時
未應六出計皆奇
採芝人向山中老
不見功名一首詩

送穎陽史正之之鄧州

風俗相鄰駛舌蠻杖藜南去早宜還年今已近強而
仕捷徑休離少室山

贈陳仲和

吾友仲和故遼降虎太師之後以廕補
官累階三品卷亂之際相會于山陽年
六十有二神閑而意適手持數珠日誦
佛書不輟真髮僧也因誦飽諸世事慵
開口會盡人情只點頭之句以此意索

詩因書以示之

百年浮世落花風漆水榮華一夢空拈起數珠都忘
卻大千沙界八圓融

和秦彥容韻

花信風傳閨苑香騰空鶴駕望仙郎當年誰為看爐
鼎曾得丹砂入藥囊

碧落途中遇雪

出郭山行十里餘據鞍擁鼻一矐儒飛花落吟肩
上便是藍關遇雪圖

大陽值雪

埽地陰雲撥不開北風吹落豆楷灰相逢父老應相

笑直待山頭白後來

呈濟之

朝醒暮醉幾時休
雞黍人家見客留
聞道麴生行處
有西村明日趁扶頭

留別

故人不寄一枝梅
親到前村雪裏來
興未盡時還又
去爲君更覓暖寒杯

留別草堂諸友

青山莫厭往來頻
野鶴孤雲自在身
客路傍春風色
好明朝便是遠行人

莊靖先生遺集卷之四終

莊子集卷四目錄

48-12061

